

四庫全書

集部

欽定四庫全書

唐詩鏡卷四十四

明 陸時雍 編

中唐第十六

白居易三

五言律詩

和春深

何處春深好
春深富貴家
馬為中路鳥
奴作後庭花
羅

絃駟論隊金銀用斷車眼前何所苦唯苦日西斜

三四說
春真好

何處春深好春深學士家鳳書裁五色馬鬣剪三花蠟
炬開明火銀臺賜物車相逢不敢揖彼此帽低斜

新春江次

浦乾潮未應堤濕凍初銷粉片粧梅朶金絲刷柳條鴨
頭新綠水鴈齒小紅橋莫怪珂聲碎春來五馬驕

何處春先到

何處春先到橋亭水北亭凍花開未得冷酒著難醒就
日移輕榻遮風展小屏不勞人勸醉鶯語漸丁寧

秋思

夕照紅於燒晴空碧勝藍獸形雲不一弓勢月初三鴈
思來天北砧愁滿水南蕭條秋氣味未老已深諧

三四不
琢而工

閑臥

盡日前軒臥神閑境亦空有山當枕上無事到心中簾

卷侵牀日屏遮入座風望春春未到應在海門東

社日關路作

晚景函關路涼風社日天青巖新有燕紅樹欲無蟬愁
立驛樓上厭行官堠前蕭條秋興苦漸近二毛年

客中守歲

守歲樽無酒思鄉淚滿巾始知為客苦不及在家貧畏
老偏驚節防愁預惡春故園今夜裏應念未歸人

防愁預惡春說得宛轉深入
當年余臥病中深語此况

早春題少室東巖

三十六峯晴雪消
嵐翠生月留三夜
宿春引四山行遠
草初含色寒禽未
變聲東巖最高石
唯我有題名

晚春酒醒尋夢得

料合同惆悵花殘
酒亦殘醉心忘老
易醒眼別春難獨
出雖慵懶相逢定
喜歡還携小蠻去
試覓老劉看

小蠻
酒榼

名也

四語落
手快絕

冬初酒熟

霜繁脆庭柳風利剪池荷月色曉彌苦鳥聲寒更多秋
懷久寥落冬計又如何一甕新醕酒萍浮春水波

訓夢得霜夜對月懷

淒清冬夜景搖落長年情月帶新霜色砧和遠鴈聲暖
隣爐近火寒覺被衣輕枕上酬佳句詩成夢不成

三四淒淒
結語好意

望亭驛酬別周判官

何事常長洲連宵飲不休
醒應難作別歡漸少於愁
燈火穿村市笙歌上驛樓
何言五十里已不屬蘇州

歡漸少於愁
語約而至

江南鄭常侍赴鎮之日有寄因酬和

來暮亦何愁金貂在鷁舟
旆隨寒浪動帆帶夕陽收
布令滕王閣裁詩郢客樓
即應歸鳳沼中外替天休

賦得古原草送別

離離原上草一歲一枯榮
野火燒不盡春風吹又生
遠

芳侵古道晴翠接荒城又送王孫去萋萋滿別情

酬皇甫十早春對雪見贈

漠漠復紛紛東風散玉塵明催牕竹曉寒退柳園春綠
醕香堪憶紅爐暖可親忍心三兩日莫作破齋人

寒退柳園春
最是雅意

寄皇甫七

孟夏愛吾廬陶潛語不虛花樽飄落酒風案展開書隣
女偷新果家童漉小魚不知皇甫七池上興何如

從邨至東京

從邨至東京山低路漸平
風光四百里車馬十三程
花共隨鞭看杯多並轡傾
笙歌與談笑隨分自將行

五六好
寫作

渡淮

淮水東南濶無風渡亦難
孤煙生乍直野樹望多圓
春浪棹聲急夕陽帆影殘
清流宜映月今夜重吟看

初入瞿塘

瞿塘天下險，夜上信難哉。
岸似雙屏合，天如匹帛開。
逆風驚浪起，拔棹鬧船來。
欲識愁多少，高於濫瀨堆。

三四形
狀宛然

人定

人定月朧明，香銷枕簟清。
翠屏遮燭影，紅袖下簾聲。
坐久吟方罷，眠初夢未成。
誰家教鸚鵡，故語相驚。

偶吟

里巷多通水，林園盡不扃。
松身為外戶，池面是中庭。
元

氏詩三帙陳家酒一瓶醉來狂發詠隣女應籬聽

惜落花

夜來風雨急無復舊花林枝上三分落園中二寸深日
斜啼鳥思春盡老人心莫怪漆杯酒情多酒不禁

三四寫景
實在得多

醉中戲贈鄭使君

時使君先歸
留妓樂重飲

客座移紅氍毹顏照漆杯雙娥留且住五馬任先迴醉
耳歌催醒愁眉笑引開平生少年與臨老雙重來

武丘寺路

自開山寺路水陸往來頻
銀勒牽驕馬花船載麗人
芟荷生欲遍桃李種仍新
好住湖堤上長留一道春

七言律詩

三月三日

畫堂三月初三日絮撲紗牕燕拂簷
蓮子數杯嘗冷酒
柘枝一曲試春衫
堦臨池面勝看鏡戶映花叢
當下簾
指點樓南翫新月
玉鈎素手兩纖纖

六語
趣

春題湖上

湖上春來似畫圖
亂峯圍繞水平鋪
松排山面千重翠
月點波心一顆珠
碧毯線頭抽早稻
青羅裙帶展新蒲
未能拋得杭州去
一半勾留是此湖

五六倒
裝句法

江亭翫春

江亭乘曉閱衆芳
春妍景麗草樹光
日消石桂綠嵐氣

風墜木蘭紅露漿水蒲漸展書帶葉山榴半含琴軫房
何物春風吹不變愁人依舊鬢蒼蒼

早春憶蘇州寄夢得

吳苑四時風景好就中偏好是春天霞光曙後殷於火
水色晴來嫩似烟士女笙歌宜月下使官金紫稱花前
誠知歡樂堪留戀其奈離鄉已四年

春中與盧四周諒華陽觀同居

性情懶慢好相親門巷蕭條稱作隣背燭共憐深夜月

踏花同惜少年春，杏壇住僻雖宜病。芸閣官微不救貧，
文行如君尚憔悴。不知霄漢待何人。

錢塘湖春行

孤山寺北賈亭西，水面初平雲腳低。幾處早鶯爭暖樹，
誰家新燕啄春泥。亂花漸入迷人眼，淺草纔能沒馬蹄。
最愛湖東行不足，綠楊陰裏白沙隄。

池上逐涼

青苔地上銷殘暑，綠樹陰前逐晚涼。輕屐單衣薄紗帽，

淺池平岸庠藤床簪纓怪我情何薄泉石諳君味甚長
偏問交親為老計多言宜靜不宜忙

馬上晚吟

人少街荒已寂寥風多塵起重蕭條上陽落葉飄宮樹
中渡流澌擁渭橋出早冒寒衣校簿歸遲侵黑酒全消
如今不是閑行白日短天陰坊曲遙

病中多雨逢寒食

水國多陰常懶出老未饒病愛閑眠三旬臥度鶯花月

一半春銷風雨天薄暮何人吹簫簟新晴幾處縛鞦韆
綵繩芳樹長如舊唯是年年換少年

訓思黯相公晚夏雨後感秋見贈

暮去朝來無歇期炎涼暗向雨中移夜長祇合愁人覺
秋冷先應瘦客知兩幅彩箋揮逸翰一聲寒玉振清辭
無憂無病身榮貴何故沈吟亦感時

送令狐相公赴太原

六纛雙旌萬鐵衣并汾舊路滿光輝青衫書記何年去

紅旆將軍昨日歸詩作馬蹄隨筆走獵酣鷹翅傍飛
北都莫作多時計再為蒼生入紫微

五六出

句佳

同諸客題于家公主舊宅

平陽舊宅少人遊應是遊人到即愁春穀烏啼桃李院
絳絲蟲怨鳳凰樓臺傾滑石猶殘破簾斷真珠不滿鈎
聞道至今蕭史在髭鬚雪白向明州

履道池上作

家池動作經旬別，松竹禽魚好在無。
樹暗小巢成，巧婦草荒新葉長。
慈姑不因車馬時，時到豈覺園林日日蕪。
猶喜春深公事少，每來花下得踟蹰。

飲後夜醒

黃昏欲散歸來臥，夜半人扶強起行。
枕上酒容和睡醒，樓前海月伴潮生。
將歸梁燕還重宿，欲滅寒燈却復明。
直至曉來猶妄想，耳中如有管絃聲。

與諸客携酒尋去年梅花有感

馬上同携今日杯湖邊共覺去春梅年年只見人空老
歲歲何曾花不開詩思又牽吟詠發酒酣閒喚管絃來
樽前百事皆依舊點檢唯無薛秀才

三四顛倒之
法似少陵來

庾順之以紫霞綺遠贈以詩答之

千里故人心鄭重一端杏綺紫氛氲開絨日映晚霞色
滿幅風生秋水文為褥欲裁憐葉破製裘將剪惜花分
不如裁作合歡被寤寐相思如對君

白詩之佳在傾囊而出
每覺意趣圓滿渾成

與皇甫庶子同遊城東

閒遊何必多徒侶
相勸時時舉一杯
博望苑中無職役
建春門外足池臺
綠油剪葉蒲新長
紅蠟粘枝杏欲開
白馬朱衣兩宮相
可憐天氣出城來

洛下雪中頻與劉李二賓客宴集因寄汴州李
尚書

水南水北雪紛紛
雪裏歡遊莫厭頻
日日暗來唯老病

年年少去是交親
碧氈帳暖梅花濕
紅燎爐香竹葉春
今日鄒枚俱在洛
梁園置酒召何人

自喜

自喜天交我少緣
家徒行計兩翩翩
身兼妻子都三口
鶴與琴書共一船
僮僕減來無冗食
糧資算外有餘錢
攜將貯作邱中費
猶免饑寒得數年

三四粘
出佳趣

令狐相公與夢得交情素深
春予分亦不淺一


聞薨逝相顧泣然旋有使來得前月未歿之
前數日書及詩寄贈夢得哀吟悲歎寄情於
詩詩成示予感而繼和

緘題重疊語殷勤存歿交親自此分前月使來猶理命
今朝書到是遺文銀鈎見晚書無報玉樹埋深哭不聞
最感一行絕筆尚言千萬樂天君

哭崔二十四常侍

貂裘初別九重門馬鬣新封四尺墳
薤露歌詞非白雪

銘旌官爵是浮雲伯倫每置隨身錦元亮先為自祭文
莫道高風無繼者一千年內有崔君



唐詩鏡卷四十四

欽定四庫全書

集部
唐詩鏡卷四十五

詳校官庶吉士臣范逢恩

主事銜臣徐以坤覆勘

總校官編修臣王燕緒

校對官編修臣周 鉉

謄錄監生臣吳貽棟

欽定四庫全書

唐詩鏡卷四十五

明 陸時雍 編

中唐第十七

白居易

四

五言排律

早春西湖閒遊悵然興懷憶與微之同賞因思
在越官重事殷鏡湖之遊或恐未暇偶成十

八韻寄微之

上馬復呼賓湖邊景氣新歌絃三數事騎從十餘人立
換登山屐行攜漉酒巾逢花看當妓遇草坐為茵西日
籠黃柳東風蕩白蘋小橋裝鴈齒輕浪覓魚鱗畫舫牽
徐轉銀船酌慢巡野情遺世累醉態任天真彼此年將
老平生分最親高天從所願遠地得為鄰雲樹分三驛
烟波限一津飜嗟寸步隔却厭尺書頻浙右稱雄鎮山
陰委重臣貴垂長紫綬榮駕大朱輪出動刀槍隊歸生

道路塵鴈驚弓易散鷗怕鼓難馴百吏瞻相面千夫捧
擁身自然閑興少應負鏡湖春

奉酬侍中夏中雨後遊城南莊見示八韻

島樹間林巒雲收雨氣殘四山嵐色重五月水聲寒老
鶴兩三隻新篁千萬竿化成天竺寺移得子陵灘心覺
閒彌貴身緣健更歡帝將風后待人作謝公看角里年
雖老高陽興未闌佳辰不見召爭免趁盃盤

和鄭方及第後秋歸洛下閒居

勤苦成名後優遊得意間
玉憐同匠琢桂恨隔年攀山
靜豹難隱谷幽鶯暫還微吟詩
引步淺酌酒開顏門迴
暮臨水牕深朝對山雲衢日相待
莫誤許身閒

江州赴忠州至江陵已來舟中示舍弟五十韻
昔作咸秦客常思江海行
今來仍盡室此去又專城
典午猶為幸分憂固是榮
筭篁州乘送艘牒驛船迎共載
皆妻子同遊即弟兄
寧辭浪迹遠且貴賞心并
雲展帆高掛聽馳棹
迅征沂流從漢浦循路轉荆衡
山逐時移

色江隨地改名風光近東早水木向南清夏口烟孤起
湘川雨半晴日煎紅浪沸月射白砂明北渚寒留鴈南
枝暖待鶯駢朱桃露萼點翠柳含萌亥市魚鹽聚神枝
鼓笛鳴壺漿椒葉氣歌曲竹枝聲繫纜憐沙靜垂綸愛
岸平水餐紅粒稻野茹紫花菁甌汎茶如乳臺粘酒似
餠膾長抽錦縷藕脆削瓊英容易來千里斯須進一程
未曾勞力氣漸覺有心情卧穩添春睡行遲帶酒醒忽
然牽世網便欲濯塵纓早接文場戰曾爭翰苑盟掉頭

稱俊造翹足取公卿且昧隨時義徒輸報國誠衆排恩
易失偏歷勢先傾虎尾憂危切鴻毛性命輕燭蛾誰救
護蠶繭自纏縈歛手辭雙闕迴眸望兩京長沙拋賈誼
漳浦卧劉楨鷓鴣鳴還歇蟾蜍破又盈年光同激箭鄉思
極搖旌潦倒親知笑衰羸舊識驚烏頭因感白魚尾為
勞賴劔學將何用丹燒竟不成孤舟萍一葉雙鬢雪千
莖老見人情盡閒思物理精如湯探冷熱似博鬪輸贏
險路應須避迷途莫共爭此心知止足何物要經營玉

向泥中潔松經雪後貞無妨隱朝市不必謝寰瀛但在
前非悟期無後患嬰多知非景福少語是元亨晦即全
身藥明為伐性兵昏昏隨世俗蠢蠢學黎氓以能言
構龜緣入夢烹知之一何晚猶足保餘生

東南行一百韻寄通州元九侍御澧州李十一
舍人果州崔二十二使君開州韋大員外庾
三十二補闕杜十四拾遺李二十助教員外
竇七校書

南去經三楚東來過五湖山頭看候館水面問征途
地遠窮江界天低極海隅飄零同落葉浩蕩似乘桴漸覺
鄉原異深知土產殊夷音語嘲哂蠻態笑昨盱水市通
闌闌煙村混舳艫吏徵漁戶稅人納火田租亥日饒蝦
蟹寅年足虎軀成人男作艸事鬼女為巫樓閣攢娼婦
隄喧簇販夫夜船論鋪賃春酒斷甌沽見果多盧橘聞
禽悉鷓鴣山歌猿獨叫野哭鳥相呼嶺微雲成棧江郊
水當郭月橋翹柱鶴風泛颭檣烏鰲礙潮無信蛟驚浪

不虞鼉鳴泉窟室蜃結氣浮圖樹裂山魃穴沙含水弩
樞喘牛犁紫芋羸馬放青菰繡面誰家婢鴟頭幾歲奴
泥中採菱芡燒後拾樵蘇鼎膩愁烹鰲盤腥厭膾鱸鍾
儀徒戀楚張翰浪思吳氣序涼還熱光陰旦復晡身方
逐萍梗年欲近桑榆渭北田園廢江西歲月徂憶歸恒
慘澹懷舊忽踟躕自念咸秦客嘗為鄒魯儒蘊藏經國
術輕棄度關繻賦力凌鸚鵡詞鋒敵轆轤戰文重掉鞅
射策一彎弧崔杜鞭齊下元韋轡並驅名聲逼揚馬交

分過蕭朱世務經磨揣周行竊覲覲風雲皆會合雨露
各霑濡共偶昇平代偏慙固陋軀承明連夜直建禮拂
晨趨美服頌王府珍羞降御厨議高通白虎諫切伏青
蒲栢殿行倍宴花樓走看酺神旗張烏獸天籟動笙竽
九紉星芒耀魚龍電策驅定場排漢旅促座進吳歛縹
緲疑仙樂嬋娟勝畫圖歌鬟低翠羽舞汗墮紅珠別選
閒遊伴潛招小飲徒一盃愁已破三盞氣彌麤軟美仇
家酒幽閒葛氏妹十千方得斗二八正當壚論笑杓胡

律談憐鞞囁李酣尤短寘庾醉更薦迺鞍馬呼教住
散盤唱遣輸長驅波卷白連擲采成虛籌併頻逃席觥
嚴別置孟滿卮那可灌頰玉不勝扶入視中樞州歸乘
內廐駒醉曾衝宰相驕不揖金吾日近恩雖重雲高勢
却孤翻身落霄漢失脚倒泥塗博望移門籍潯陽佐郡
符時情變寒暑世利算錙銖即日辭雙闕明朝別九衢
播遷分郡國次第出京都秦嶺馳三驛商山上二邗峴
陽亭寂寞夏口路崎嶇大道全生棘中丁盡執殳江關

未徹警淮寇尚稽誅林對東西寺山分大小姑廬峯連
刻削湓浦帶縈紆九派吞青艸孤城覆綠蕪黃昏鍾寂
寂清曉角嗚嗚春色辭門柳秋聲到井梧殘芳悲鷓鴣
暮節感茱萸蘂坼金英菊花飄雪片蘆波紅日斜沒沙
白月平鋪幾見林抽笋頻驚燕引雛歲華何倏忽年少
不須更眇默思千古蒼茫想八區孔窮緣底事顏夭有
何辜龍智猶經醢龜靈未免剝窮通應已定聖哲不能
逾況我身謀拙逢他厄運拘漂流隨大海鉅鍛任洪爐

險阻嘗之矣。栖遲命也。夫沈寘消意氣窮，餓耗肌膚，防瘴和殘藥，迎寒補舊襦。書牀鳴蟋蟀，琴匣網蜘蛛。貧室如懸磬，端憂劇守株。時遭人指點，數被鬼揶揄。兀兀都疑夢，昏昏半是愚。女驚朝不起，妻怪夜長吁。萬里拋煙侶，三年隔友于。自然悲聚散，不是恨榮枯。去夏微之瘡，今春席八殂。天涯書達否，泉下哭知無。漫寫詩盈卷，空盛酒滿壺。只添新悵望，豈復舊歡娛。壯志因愁減，衰容與病俱。相逢應不識，滿領白髭鬚。

發白狗峽次黃牛峽登高寺却望忠州

白狗次黃牛灘如竹節稠路穿天地險人續古今愁
忽見千花塔因停一葉舟畏途常迫促靜境暫淹留
巴曲春全盡巫陽雨半收北歸雖引領南望亦迴頭
昔去悲殊俗今來念舊遊別僧山北寺拋竹水西樓
郡樹花如雪軍厨酒似油時時大開口自笑憶忠州

誦令狐相公春日尋花見寄六韻

病臥帝王州花時不得遊老應隨日至春肯為人留粉

壞杏將謝火繁桃尚稠白飄僧院地紅落酒家樓空裏
雪相似晚來風不休吟君悵望句如到曲江頭

早發楚城驛

過雨塵埃滅沿江道徑平月乘殘夜出人趁早涼行寂
歷聞吟動冥濛闔思生荷塘翻露氣稻壠瀉泉聲宿犬
聞鈴起棲禽見火驚矚矚煙樹色十里始天明

題洛中第宅

水木誰家宅門高占地寬懸魚掛青甃行馬護朱欄春

榭籠煙暖秋庭鏤月寒
松醪粘琥珀筠粉撲瑯玕
試問池臺主多為將相官
終身不曾到唯展畫圖看

題遺愛寺前溪松

偃亞長松樹侵臨小石溪
靜將流水對高共遠峯齊
翠蓋煙籠密花幢雪壓低
與僧清影坐借鶴穩枝棲
筆寫形難似琴偷韻易迷
暑天風撼撼晴夜露淒淒
獨憇依為舍閒行繞作蹊
棟梁君莫採留着伴幽棲

箏

雲髻飄蕭綠花顏旖旎紅雙眸剪秋水十指剝春葱楚
豔為門閥秦聲是女工甲鳴銀玦柱觸玉玲瓏援苦
啼嫌月鶯嬌語詎風移愁來手底送恨入絃中趙瑟清
相似胡琴鬧不同慢彈迴斷鴈急奏轉飛蓬霜珮還
委冰泉咽復通珠聯千拍碎刀截一聲終倚麗精神定
矜能意態融歇時情不斷休去思無窮燈下青春夜樽
前白首翁且聽應得在老耳未多聾

樂天送客春遊嶺南天黃生颯母雨黑長楓人微
之和詩歌鐘排象背炊爨上魚身其言可作記類

七言排律

登閭門開望

閭門四望鬱蒼蒼始覺州雄土俗強
十萬夫家供課稅五千子弟守封疆
闔城碧鋪秋艸烏鵲橋紅帶夕陽
處處樓前飄管吹家家門外泊舟航
雲埋虎寺山藏色月耀娃宮水放光
曾賞錢塘嫌茂苑今來未敢苦誇張

憶杭州梅花因叙舊遊寄蕭協律

三年閒悶在餘杭曾為梅花醉幾場
伍相廟前繁似雪

孤山園裏麗如妝，踏隨遊騎心常惜。
折贈佳人手亦香，賞自初開直至落。
歡因小飲便成狂，薛劉相次埋新隴。
沈謝雙飛出故鄉，歌伴酒徒零散盡。
唯殘頭白老蕭郎。

泛太湖書事寄微之

煙渚雲帆處處通，飄然舟似入虛空。
玉盃淺酌迎初匝，金管徐吟曲未終。
黃夾纈林寒有葉，碧琉璃水淨無風。
避旗飛鷺翩翩白，驚鼓跳魚潑刺紅。
澗雪壓多松偃蹇，岩泉滴久石玲瓏。
書為故事留湖上，吟作新詩寄浙東。

軍府威容從道盛江山氣色定知同報君一事君應羨
五宿澄波皓月中

餘思未盡加為六韻重寄微之

海內聲華併在身篋中文字絕無倫遙知獨對封章草
忽憶同為獻納臣走筆往來盈卷軸除官遞及掌絲綸
制從長慶辭高古詩到元和體變新各有文姬才稚齒
俱無通子繼餘塵琴書何必求王粲與女猶勝與外人

六言

把酒留君聽琴那堪歲暮離心霜葉無風自落秋天不
雨多陰人愁荒村路遠馬怯寒溪水深望盡青山猶在
不知何處相尋

臨都驛答夢得六言

楊子津頭月下臨都驛裏燈前昨日老於前日去年春
似今年

顛倒
得佳

五言絕句

池上二首

山僧對棋坐局上竹陰清映竹無人見時聞下子聲
小娃撐小艇偷採白蓮迴不解藏蹤跡浮萍一道開

池畔二首

結構池西廊疏理池東樹此意人不知欲為待月處
持刀開密竹竹少風來多此意人不會欲令池有波

好格
致

閨怨詞

珠箔籠寒月，紗牕背曉燈。
夜來巾上淚，一半是春冰。
關山征戍遠，閨閣別離難。
苦戰應憔悴，寒衣不要寬。

問淮水

自嗟名利客，擾擾在人間。
何事長淮水，東流亦不開。

七言絕句

王昭君二首

滿面胡沙滿鬢風，眉銷殘黛臉銷紅。
愁苦辛勤憔悴盡，如今却似畫圖中。

漢使却迴憑寄語黃金何日贖蛾眉君王若問妾顏色
莫道不如宮裏時

後宮詞

淚濕羅巾夢不成夜深前殿按歌聲紅顏未老恩先斷
斜倚薰籠坐到明

雨露由來一點恩爭能遍布及千門三千宮女臘脂面
幾個春來無淚痕

傷春詞

深淺簷花千萬枝
碧紗牕外轉黃鸝
殘妝含淚下簷坐
盡日傷春春不知

甚是
惱恨

採蓮曲

菱葉繁波荷颭風
荷花深處小船通
逢郎欲語低頭笑
碧玉搔頭落水中

吳宮詞

澹紅花帔淺檀蛾
睡臉初開似剪波
坐對珠籠閒理曲

琵琶鸚鵡語相和

暮江吟

一道殘陽鋪水中
半江瑟瑟半江紅
可憐九月初三夜
露似真珠月似弓

離別難詞

綠楊陌上送行人
馬去車迴一望塵
不覺別時紅淚盡
歸來無淚可沾巾

劇倒
語

醉後聽唱桂華曲 并序

詩云遙知天上桂花孤試問嫦娥更有無月中幸有
閒田地何不中央種兩株此曲韻怨切聽輒感人故
云耳

桂花詞意苦丁寧唱到嫦娥醉便醒此是世間腸斷曲
莫教不得意人聽

春老

欲隨年少強遊春自覺風光不屬身歌舞屏風花障上

幾時曾畫白頭人

愈淺
愈真

三月三十日題慈恩寺

慈恩春色今朝盡
盡日徘徊倚寺門
惆悵春歸留不得
紫藤花下漸黃昏

代春贈

山吐晴嵐水放光
辛夷花白柳稍黃
但知莫作江西意
風景何曾異帝鄉

答春

艸煙低重水花明從道風光似帝京
其奈山猿江上叫故鄉無此斷腸聲

春詞

低花樹映小粧樓春入眉心兩點愁
斜倚欄干臂鸚鵡思量何事不迴頭

每覺淺
處藏情

杏園花下贈劉郎中

怪君把酒偏惆悵曾是貞元花下人
自別花來多少事
東風二十四迴春

上香爐峯

倚石攀蘿歇病身青筇竹杖白紗巾
他時畫出廬山障
便是香爐峯上人

雖非正格却是手輕口快

宿府池西亭

池上平橋橋下亭夜深睡覺上橋行
白頭老尹重來宿

十五年前舊月明

浦中夜泊

暗上江隄還獨立
水風霜氣夜稜稜
迴看深浦停舟處
蘆荻花中一點燈

同李十一醉憶元九

花時同醉破春愁
醉折花枝作酒籌
忽憶故人天際去
計程今日到涼州

對月答元明府

山下孤城月上遲，相留一醉本無期。
明年此夕遊何處，縱有秋光知對誰。

和友人洛中春感

莫悲金谷園中月，莫嘆天津橋上春。
若學多情尋往事，人間何事不傷人。

白詩情到語流
絕無粧疊之病

惜落花贈崔二十四

漠漠紛紛不奈何，狂風急雨兩相和。
晚來悵望君知否。

枝上稀疎地上多

有雙鶴留在洛中忽見劉郎中依然鳴顧劉因
為嘆二篇寄予予以絕句答之

辭鄉遠隔華亭水逐我來棲緱嶺雲慚愧稻梁長不飽
未曾迴眼向雞羣

戲答諸少年

愧我長年頭似雪饒君壯歲氣如雲朱顏今日雖欺我
白髮他時不放君

語却
老氣

寄湘靈

淚眼凌寒凍不流，每經高處即回頭。
遙知別後西樓上，應凭欄干獨自愁。

題王侍御池亭

朱門深鎖春池滿，岸落薔薇水浸莎。
畢竟林塘誰是主，主人來少客來多。

題韋家泉池

泉落青山出白雲
縈村遶郭幾家分
自從引作池中水
深淺方圓一任君

春題華陽觀

帝子吹簫逐鳳凰
空留仙洞號華陽
落花何處堪惆悵
頭白宮人掃影堂

樟亭雙櫻樹

南館西軒兩樹櫻
春條長足夏陰成
素華朱實今雖盡
碧葉風來別有情

別柳枝

兩枝楊柳小樓中
嫋娜多年伴酒翁
明日放歸歸去後
世間應不要春風

憶江柳

曾栽楊柳江南岸
一別江南兩度春
遙憶青青江岸上
不知攀折是何人

小橋柳

細水涓涓似淚流
日西惆悵小橋頭
衰楊葉盡空枝在

猶被霜風吹不休

劉家花

劉家牆上花還發
李十門前草又春
處處傷心心始悟
多情不及少情人

是解語是
不解情

羅敷水

野店東頭花落處
一條流水號羅敷
芳魂豔骨知何在
春草茫茫墓亦無

閨婦

斜凭繡牀愁不動紅銷帶緩綠鬟低遼陽春盡無消息
夜合花前日又西

思嬾眉

東風搖蕩自東來折盡櫻桃綻盡梅唯餘思嬾愁眉結
無限春風吹不開

聽都子歌

詞云試問婦
娥更要無

都子新歌有性靈一聲格轉已堪聽更聽唱到婦娥字

猶有樊家舊典型

樂世

一名六么

管急絃繁拍漸稠六么宛轉曲終頭誠知樂世聲聲樂
老病人聽未免愁

水調

五言一遍最殷勤調少情多似有因不會當時翻曲意
此聲腸斷為何人

夜筍

紫袖紅絃明月中自彈自感闌低容絃凝指咽聲停處
別有深情一萬種

聽彈湘妃怨

玉軫朱絃瑟瑟微吳娃微調奏湘妃分明曲裏愁雲雨
似道蕭郎久不歸

贈內

漠漠闌苔新雨地微微涼露欲秋天莫對月明思往事
損君顏色減君年

舟夜贈內

三聲猿後垂鄉淚，一葉舟中載病身。
莫凭水憲南北望。

月明月暗總愁人

附暮立 黃昏獨立佛堂前，滿地槐花滿樹蟬。
大抵四時心總苦，就中腸斷是秋天。

附急樂世辭 正抽碧線繡紅羅，忽聽黃鶯斂翠娥。
秋思冬愁春悵望，大都不得意時多。
附龍門下作 龍門澗下淮塵纓，擬作閒人過此生。
筋力不將諸處用，登山臨水咏詩行。

唐詩鏡卷四十五

欽定四庫全書

唐詩鏡卷四十六

明陸時雍編

中唐第十八

元稹

字微之河南人德宗建中元年生元和初對策太和間為尚書右丞卒有元氏長慶集百卷又小集

十卷傳

于世

樂府

君莫非

此後二首
和李餘

鳥不解走獸不解飛兩不相解那得相譏犬不飲露蟬
不啖肥以蟬易犬蟬死犬饑燕在梁棟鼠在墻基各自
窠窟人不能移婦好針縷夫讀書詩男翁女嫁卒不相
知懼聾摘耳効痛頰眉我不非爾爾無我非

淺近

田野狐兔行

種豆芸鋤種禾溝畦禾苗豆甲狐搯兔剪割鵠餒鷹烹
麟啖犬鷹怕兔毫犬被狐兔狐兔相須鷹犬相盡

茲引
反

日暗天寒禾稀豆損鷹犬就烹狐兔俱晒

善為
隱語

五言樂府

古築城曲五首

年年塞下丁長作出塞兵自從冒頓強官築遮虜城

解一

築城須努力城高遮得賊但恐賊路多有城遮不得

解二

丁口傳父口莫問城堅不平城被虜圍漢斲城墻走

解三

因茲請休和虜往騎來過半疑魚半信築城猶差我

解四

築城安敢煩願聽丁一言請築鴻臚寺兼愁虜出關

五解

五言古詩

寺院新竹

寶地琉璃坼紫苞琅玕踴亭亭巧於削一一大如拱冰
碧林外寒峯巒眼前聳槎枒矛戟合屹仡龍蛇動烟泛
翠光流歲餘霜彩重風朝竿籟過雨夜鬼神恐佳色有
鮮妍修莖無擁腫節高迷玉鏃籜綴疑花捧詎必太山
根本自仙壇種誰令植幽壤復此依閒冗居然霄漢姿

坐受藩籬壅噪集勸鳴烏炎昏繁蠚蠓未遭伶倫聽非
安子敲寵威鳳來有時虚心豈無奉

亦自
修聳

竹部

石首
縣界

竹部竹山近歲伐竹山竹伐竹歲亦深深林隔深谷朝
朝冰雪行夜夜豺狼宿科首霜斷蓬枯形燒去餘木一

束十餘莖千錢百餘束得錢盈千百得粟盈斗斛歸來
不買食父子分半菽持此欲何為官家歲輸促我來荆

門掾寓食公堂肉豈唯遍妻孥亦以及童僕分爾有限
資飽我無端腹媿爾不復言爾生何太感

茅舍

楚俗不理居居人盡茅舍茅苦竹梁棟茅疏竹仍罅邊
緣隄岸斜詰屈簷楹亞籬落不蔽肩街衢不容駕南風
五月盛時雨不來下竹蠹茅亦乾迎風自焚地防虞集
鄰里巡警勞晝夜遺燼一星然連延禍相嫁號呼憐穀
帛奔走代桑柘舊架已新焚新茅又初架前日洪州牧

韋大夫念此常嗟訝牧民未及久郡邑紛如化峻邸儼相

望飛甍遠相跨旗亭紅粉泥佛廟青鴛瓦

去聲

斯事纔未

終斯人久云謝有客自洪來洪民至今藉惜其心太急
作役無容暇臺觀亦已多工徒稍寬咤我欲他郡長三
時務耕稼農收次邑居先室後臺榭啟閉既及期公私
亦相借度材無強畧庀役有定價不使及僭差粗得禦
寒夏火至殊陳鄭人安極嵩華誰能繼此名名流襲蘭
麝五袴有前聞斯言我非詐

率而
盡

遣興

莫厭夏日長莫悲冬日短
欲識短復長君看寒又暖
城中百萬家
冤哀雜絲管
草沒奉誠園
軒車昔曾滿

好是遣興語
第未得老

愛直莫愛夸
愛疾莫愛斜
愛謨莫愛詐
愛施莫愛奢
擇才不求備
任物不過涯
用人如用已
理國如理家

似箴銘語
却得不厭

燿燿刀刃光彎彎弓面張入水斬犀兕入山推虎狼里
中無老少喚作癩兒郎一日風雨會橫金歸故鄉

詬氣
侃侃

旱災自咎貽七縣宰

同州

吾聞上帝心降命明且仁臣稔苟有罪胡不災我身胡
為旱一州禍此千萬人一旱猶可忍其旱亦已頻臘雪
不滿地膏雨不降春惻惻詔書下牛減麥與緡半租豈
不薄尚竭力與筋竭力不敢憚慚戴天子恩纍纍婦拜

姑啲啲翁語孫永黍日夜長足得盈我困還填折粟稅
酬償貫麥鄰苟無公私責飲水不為貧歡言未盈口旱
氣已再振六月天不雨秋孟亦既旬區區昧陋積禱祝
非不勤日馳衰白顏再拜泥甲鱗歸來重思忖願告諸
邑君以彼天道遠豈如人事親團團囹圄中無乃寃不
申擾擾食廩內無乃姦有因軋軋輸送車無乃使不倫
遙遙負擔卒無乃役不均今年無大麥計與珠玉濱村
胥與里吏無乃求取繁符下斂錢急值官因酒喚誅求

與捷罰無乃不逡巡
生小下俚住不曾州縣門
訴詞千萬恨無乃不得聞
強豪富酒肉窮獨無芻薪
俱由案牘吏無乃移禍屯
官分市井戶迭配水陸珍
未蒙所償值無乃不敢言
有一於此事安可尤蒼旻
借使漏刑憲得不虞鬼神
自顧頑滯牧坐貽災沴臻
上羞朝廷寄下媿閭里民
豈無神明宰為我同苦辛
共布慈惠語慰此衢客塵

諄懇處不
原其頌

清都夜境

夜久連觀靜斜月何晶瑩寥天如碧玉歷歷綴華星樓
榭自陰映雲牖深冥冥纖埃悄不起玉砌寒光清栖鶴
露微影枯松多怪形南廂儼容衛音響如可聆啟聖發
空洞朝真趨廣庭閒開藥珠殿暗閱金字經屏氣動方
息凝神心自靈悠悠車上馬浩思安得寧

滴瀝
成響

春晚寄楊十二兼呈趙八

時楊生館
於趙氏

蒙蒙竹樹深簾牖多清陰避日坐林影餘花委芳襟傾
樽就殘酌舒卷續微吟空際颺高蝶風中聆素琴廣庭
備幽趣復對商山岑獨此愛時景曠懷雲外心遷鶯戀
嘉木求友多好音自無琅玕實安得蓮花簪寄之二君
子希見雙南金

春餘遣興

春去日漸遲庭空草偏長餘英間初實雪絮繁珠網好
鳥多息陰新篁已成響簾開斜照入樹裊游絲上絕跡

念物閒良時契心賞單衣頗新綽虛室復清敞置酒奉
親賓樹萱自怡養笑倚連枝花恭扶瑞藤杖步屨恣優
游望山多氣象雲葉遙卷舒風裾動蕭爽簪纓固煩雜
江海徒浩蕩野馬籠赤霄無由負羈鞅

奕霽

別李三

階萁附瑤砌藁蘭偶芳藿高位良有依幽姿亦相托鮑
叔知我貧烹葵不為薄半面契始終千金比然諾人生

繫時命安得無苦樂但感遊子顏又值餘英落蒼蒼秦
樹雲去去緱山鶴日暮分手歸楊花滿城郭

秋夕遠懷

旦夕天氣爽風飄葉漸輕星繁河漢白露逼衾枕清丹
鳥月中滅莎雞牀下鳴悠悠此懷抱况復多遠情

含風夕

炎昏劬煩久逮此含風夕夏服稍輕清秋堂已岑寂載
欣涼宇曠復念佳辰擲絡緯驚歲功顧我何成績青瑩

微月鈎幽暉洞陰魄水鏡涵玉輪若見淵泉壁參差簾
牖重次第籠虛白樹影滿空牀螢光綴深壁悵望牛斗
星復為經年隔露網裊風珠輕河泛遙碧詎無深稠景
感此年流易亦有遲暮年壯年良自惜循環切中感感
今追往昔接瞬無停陰何言問陳積馨香推蕙蘭堅貞
諭松柏生物固有涯安能比金石况茲百齡內擾擾紛
衆役日月東西馳飛車無留跡來者良未窮去矣定奚
適委順在物為營營復何益

酬樂天

時樂天攝尉
予為拾遺

放鶴在深水置魚在高枝升沉或異執同謂非所宜君
為邑中吏皎皎鸞鳳姿顧我何為者鬪侍白玉墀昔作
芸香侶三載不暫離逮茲忽相失旦夕夢夢思崔魏驪
山頂宮樹遙參差祇得兩相望不得長相隨多君歲寒
意裁作秋興詩上有風塵苦下言時節移官家事拘束
安得攜手期願為雲與雨會合天之垂

春月

春月雖至明終有靄靄光不似秋冬色逼人寒帶霜織
粉澹虛壁輕煙籠半牀分暉間林影餘照上虹梁病久
塵事隔夜閒清興長擁袍顛倒領步履東西廂風柳結
柔援露梅飄暗香雪含櫻綻藥珠感桃綴房杳杳有餘
思行行安可忘四鄰非舊識無以話中腸南有居士儼
默坐調心王欵關一問訊為我披衣裳延我入深竹煖
我於小堂視身琉璃瑩諭指芭蕉黃復有比丘溢早傳
龍樹方口中祕丹訣肘後懸青囊錫杖雖獨振刀圭期

共嘗未知仙近遠已覺神輕翔夜久魂耿耿月明露蒼
蒼悲哉沉眠士寧見茲夕良

送王十一南行

夏水漾天末晚暘映遙村風翻烏尾勁眷戀餘芳罇解
袂方瞬息征帆已翩翻江豚湧高浪槐樹搖去魂遠戍
宗侶泊暮煙洲渚昏離心詎幾許歸苦復寒溫此別信
非久胡為坐憂煩我留石難轉君泛雲無根萬里湖南
月三聲山上猿從茲耿耿幽夢夜夜湘與沅

遣書

密竹有清陰曠懷無塵滓况乃秋日光玲瓏曉窓裏旬
休聊自適今辰日高起櫛沐坐前軒風輕鏡如水開卷
恣詠謔望雲閒徙倚新菊媚鮮妍短萍憐霍靡掃除田
地靜摘掇園蔬美幽翫愜詩流空堂稱居士客來傷寂
寞我念遺煩鄙心跡兩相忘誰能驗行止

冬夜懷李侍御王太祝段丞

浩露煙燼盡月光閒有餘松篁細陰影重以簾牖疎泛

覽星粲粲輕河悠碧虛纖雲不成葉脉脉風絲舒丹灶
熾東序燒香羅玉書飄飄魂神舉若驂鸞鶴輿感念夙
昔意華尚簪與裾簪裾詎幾許累創吞鈎魚今聞馨香
道一以悟臭帑悟覺誓不惑永抱胎仙居晝夜欣所適
安知歲云除行行二三友君懷復何如

遣春

曉月籠雲影鴛深餘霧中暗芳飄露氣輕寒生柳風冉
冉一趨府未為勞我躬因茲得晨起但覺情興隆

語帶

方束

撩亂撲樹蜂推殘戀房藥風吹雨又頻安得繁於綺酒
盃沉易過世事紛何已莫倚顏似花君看歲如水

長夏

夏風多暖暖樹木有繁陰新筍紫長短早櫻紅淺深烟
花雲幕重榴豔朝景侵華實各自好詎云芳意沉

江瘴炎夏早蒸騰信難度今宵好風月獨此荒庭趣露
葉傾暗光流星委餘素但恐清夜徂詎悲朝景暮

解秋

清晨頰寒水動搖襟袖輕翳翳林上葉不知秋暗生迴
悲鏡中髮華白三四莖豈無滿頭黑念此衰已萌

語趣
歷落

霽麗牀前影飄蕭簾外竹簟涼朝睡重夢覺茶香熟親
烹園內葵憑買家家麴釀酒并毓蔬人來有碁局

遣病

秋依靜處多况乃凌晨趣深竹蟬晝風翠草衫曉露庭

莎病看長林果閒知數何以強健時公門日勞騫

鹿莎二語

綴趣佳

朝結故鄉念暮作空堂寢夢別淚亦流啼痕暗橫枕昔
愁憑酒遣今病安能飲落盡秋槿花離人疾猶甚

玉泉道中作

楚俗物候晚孟冬纔有霜早農半華實夕水含風涼遐
想雲外寺峯巒眇相望松門接官路泉脉連僧房微露
上弦月暗焚初夜香谷深煙盪淨山虛鍾磬長念此清

境遠復憂塵事妨行行即前路勿滯分寸光

遣病

通州作

自古誰不死不復記其名今年京城內死者老少并獨

孤纔四十

秘書少監郁

仕官方榮榮李三三十九

監察御史顧言登

朝有清聲趙昌八十餘三擁大將旌為生信異異之死

同冥冥其家哭泣愛一一無異情其類嗟嘆惜各各無

重輕萬齡龜菌等一死天地平以此方我病我病何足

驚借如今日死亦足了一生借使到百年不知何所成

况我早師佛屋宅此身形捨彼復就此去留何所繫前
身為過跡來世即前程但念行不息豈憂無路行蛻骨
龍不死蛻皮蟬自鳴胡為神蛻體此道人不明持謝愛
朋友寄之仁弟兄吟此可達觀世言何足聽

流暢

七言樂府

冬白紵

此後竝
和劉猛

吳宮夜長宮漏欵簾幕四垂燈焰暖西施自舞王自管

雪紵翻翻鶴鷁散上聲促節牽繁舞腰嬾舞腰嬾王罷飲
蓋覆西施鳳花錦身作匡牀臂為枕朝珮縱玉王宴寢
寢醒閣報門無事子胥死後言為諱近王之臣諭王意
共笑越王窮惓惓夜夜抱冰寒不睡

醒世語殆
不虛作

憶遠曲

憶遠曲郎身不遠郎心遠沙隨郎飯俱在是郎意看沙
那比飯水中書字無字痕君心暗畫誰會君况妾事姑

姑進止身去門前同萬里一家盡是郎腹心妾似生來
無兩耳妾身何足言聽妾私勸君君今夜夜醉何處姑
來伴妾自閉門嫁夫恨不早養兒將備老妾自嫁郎身
骨立老姑為郎求娶妾不忍見姑郎忍見為郎忍耐看
姑面

真趣深情
痛哭剖出

夫遠征

趙卒四十萬盡為坑中鬼趙王未信趙母言猶點新兵

更填死填死之兵兵氣索秦強趙破括敵起括雖專命
起尚輕何況牽肘之人牽不已坑中之鬼妻在營壘麻
戴經鶩鴈鳴送夫之婦又行哭哭聲送死非送行夫遠
征遠征不必成長城出門便不知死生

古意
冤恨

田家詞

牛吒吒許角反田确确旱塊敲牛蹄趵趵音剝種得官倉珠
顯穀六十年來兵簇簇月月食糧車轆轆一日官軍收

海服驅牛駕車食牛肉歸來攸得牛兩角重鑄樓犁作
斤劉姑舂婦檐去輸官輸官不足歸賣屋願官早勝讐
早覆農死有兒牛有犢誓不遣官軍糧不足

語色
雅稱

當來日大難行

此後和
李餘

當來日大難行前有坂後有坑大梁側小梁傾兩軸相
絞兩輪相撐大牛豎小牛橫烏啄牛背足跌力憊當來
日大難行太行雖險險可使平輪軸自撓牽制不停泥

潦漸久荆棘旋生行必不得不如不行

躊躇
滿志

人道短

古道天道長人道短我道天道短人道長天道晝夜迴
轉不曾住春秋冬夏忙顛風暴雨電雷狂晴被陰暗月
奪日光徃徃星宿日亦堂堂天既職性命道德人自強
堯舜有聖德天下能遣壽命永昌泥金刻玉與秦始皇
周公傳說何不長宰相老聃仲尼何事栖遑莽卓恭顯

皆數十年富貴梁冀夫婦車馬煌煌若此顛倒事豈非
天道短豈非人道長堯舜留得神聖事百代天子有典
章仲尼留得孝順語千年萬歲父子不敢相滅亡沒後
千餘載唐家天子封作文宣王老君留得五千字子孫
萬萬聖唐謚作玄元帝魂魄坐天堂周公周禮二十卷
有能行者知紀綱傳說說命三四紙有能師者稱祖宗
天能天人命人使道無窮若此神聖事誰道人道短豈
非人道長天能種百草猶得十年有氣息舜纔一日芳

人能揀得丁沉蘭蕙料理百和香天解養禽獸餒虎豹
豺狼人解和麴蘖克禘祀蒸嘗杜鵑無百作天造百鳥
哺雛不遣哺鳳凰巨蟒壽千歲天遣食牛吞象克腹腸
蛟螭與變化鬼怪與隱藏蚊蚋與利觜枳棘與鋒鋸賴
得人道有揀別信任天道真茫茫若此撩亂事豈非天
道短賴得人道長

此以議論行詩
故詞格晚下

苦樂相倚曲

古來苦樂之相倚近於掌上之十指君心半夜猜恨生
荆棘滿懷天未明漢成眼瞥飛燕時可憐班女恩已衰
未有因由相決絕猶得半年佯暖熱轉將深意諭旁人
緝綴疵瑕遣潛說一朝詔下辭金屋班姬自痛何倉卒
呼天俯地將自明不悟尋時已銷骨白首官人前再拜
願將日月相輝解苦樂相尋晝夜間燈光那得天明在
主今被奪心應苦妾奪深恩初為主欲知妾意恨主時
主今為妾思量取班姬收淚抱妾身我曾排擯無限人

和李校書新題樂府十二首 并序

予友李公垂貺予樂府新題二十首雅有所謂不虛
為文予取其病時之尤急者列而和之蓋十二而已
昔三代之盛也士議而庶人謗又曰世理則詞直世
忌則詞隱予遭理世而君盛故直其詞以示後使夫
後之人謂今日為不忌之時焉

上陽白髮人

天寶年中花鳥使

天寶中密號採取
豔異者為花鳥使

撩花狎鳥含春思

滿懷墨詔求嬪御走上高樓半酣醉醉酣直入卿士家
閨闈不得偷迴避良人顧妾心死別小女呼爺血垂淚
十中有一得更衣永配深宮作宮婢御馬南奔胡馬蹙
宮女三千合宮奔宮門一開不復開上陽花草青苔地
月夜閒聞洛水聲秋池暗度風荷氣日日長看提象門
終身不見門前事近年又送數人来自言興慶南宮至
我悲此曲將徹骨更想深冤復酸鼻此輩賤嬪何足言
帝子天孫古稱貴諸王在閣四十年七宅六宮門戶悶

隋煬枝條襲封邑

近古封前代子孫為二王三恪

肅宗血胤無官位

肅宗

已後諸王並未出閭

王無妃媵主無壻陽亢陰淫結災累何如決

壅順衆流女遣從夫男作吏

華原磬

李傳云天寶中始廢泗濱磬用華原石

泗濱浮石裁為磬古樂疎音少人聽工師小賤牙曠稀
不辨邪聲嫌雅正正聲不屈古調高鍾律參差管絃病
鏗金戛瑟徒相雜投玉敲冰杳然震華原軟石易追琢
高下隨人無雅鄭棄舊美新由樂胥自此黃鍾不能競

玄宗愛樂愛新樂梨園弟子承恩橫霓裳纔徹胡騎來
雲門未得蒙親定我藏古磬藏在心有時激作南風詠
伯夔曾撫野獸馴仲尼暫和春雷盛何時得向筍簾懸
為君一乳君心醒願君每聽念封疆不遣豺狼勦人命

五弦彈

趙壁五絃彈徵調微聲巉絕何清峭辭雄皓鶴警露啼
失子哀猿繞林嘯風入春松正凌亂罵含曉舌憐嬌妙
嗚嗚暗溜咽冰泉殺殺霜刀溢寒鞘促節頻催漸繁撥

珠幢斗絕金鈴掉千數鳴鏑發胡弓萬片清球擊虞廟衆樂
雖同第一部德宗皇帝常偏召旬休節假暫歸來一聲狂殺
長安少主第侯家最難見接蘇雷反歌按曲皆承詔水精簾外
教貴嬪瑁筵心伴中要臣有五賢非此絃或在拘囚或屠
釣一賢得進勝累百兩賢得進同周邵三賢事漢滅暴強四
賢鎮岳寧邊徼五賢竝用調五常五常既序三光曜趙壁五
賢非此賢九九何勞設庭燎

西涼伎

吾聞昔日西涼州人煙撲地桑柘稠蒲萄酒熟恣行樂紅豔青
旗朱粉樓樓下當壚稱卓女樓頭伴客名莫愁鄉人不識離別
苦更卒多為沉滯游哥舒開府設高宴八珍九醞當前頭前頭
百戲競撩亂丸劍跳躑霜雪浮師子搖光毛彩豎胡姬醉舞筋骨柔
大宛來獻赤汗馬贊普亦奉翠茸裘一朝燕賊亂中國河湟忽
盡空遺丘開遠門前萬里堠今來感到行原州

平時開遠門外
立堠云去安西

九千九百里以示戎人不
為萬里行其就盈故矣

去京五百而近何其逼天子縣內半沒

為荒陬西京之道爾阻修連城邊將但高會每說此曲能不羞

法曲

吾聞黃帝鼓清角弭伏熊羆舞玄鶴舜持干羽苗草心
堯用咸池鳳巢閣大夏護武皆象功功多已訝玄功薄
漢祖歌沛亦有歌秦王破陣非無作作之宗廟見艱難
作之軍旅傳糟粕明皇度曲多新態宛轉侵淫易沉著
赤白桃李取花名霓裳羽衣號天落雅弄雖云已變亂
夷音未得相參錯自從胡騎起烟塵毛毳腥羶滿咸洛
女為胡婦學胡妝伎進胡音務胡樂

音洛

火鳳聲沉多咽

絕春駕轉罷長蕭索胡音胡騎與胡妝五十年來競紛泊

馴犀

李傳云貞元丙子歲南海來貢至十三年冬苦寒死于苑中

建中之初放馴象遠歸林邑近交廣獸返深山鳥構巢
鷹鷂鷓鴣無羈鞅貞元之歲貢馴犀上林置園官司養
玉盆金棧非不珍虎啖狴牢魚食網渡江之橘踰汶貉
反時易性安能長臘月北風霜雪深踈躅鱗身遂長往
行地無疆費傳驛通天異物罹幽枉乃知養獸如養人
不必人人自敦獎不擾則得之於理不奪有以多於賞

脫衣推食衣食之不若男耕女令紡堯民不自知有堯
但見安閒聊擊壤前觀馴象後觀犀理國其如指諸掌

宕蕩縱橫是
樂府本色

立部伎

李傳云太常選坐部伎無性靈者退入
立部伎又選立部伎無性靈者退入雅
樂可知矣李君
作歌以諷焉

胡部新聲錦筵坐中庭漢振高音播太宗廟樂傳子孫
取類羣凶陣初破戢戢攢槍霜雪耀騰擊鼓風雷磨
初疑遇敵身啟行終象由文士憲左昔日高宗常立聽

曲終然後臨玉座如今節將一掉頭電捲風收盡推挫
宋晉鄭友歌聲發滿堂會客齊喧歌珊瑚佩玉動腰身
一一貫珠隨咳唾頃向園丘見郊祀亦曾正旦親朝賀
太常雅樂備官懸九奏未終百寮情恁懣難令季札辨
遲迴但恐文侯卧工師盡取聾昧人豈是先王作之過
宋沈嘗傳天寶季法曲胡音忽相和明年十月燕寇來
元廟千門虜塵沈太常丞宋沈傳漢中王舊說云玄宗
雖雅好度曲然而未嘗使番漢雜奏
天寶十三載始詔道調法曲與胡部
新聲合作識者異之明年祿山叛
我聞此語嘆復泣

古來邪正將誰奈，奸聲入耳佞人心。
侏儒飽飯夷齊餓。

騾國樂

李傳云貞元辛巳歲始來獻

騾之樂器頭象，馳音聲不啻十二和。
從舞跳趨筋節硬，繁詞變亂名字訛。
千彈萬唱皆咽咽，左旋右轉空嗒嗒。
俯地呼天終不會，曲成調變當如何。
德宗深意在柔遠，笙鏞不御停嬪娥。
史館書為朝貢傳，太常編入鞞鞞科。
古時陶堯作天子，遜遁親聽康衢歌。
又遣道人持木鐸，遍採謳謠天下過。
萬人有意皆洞達，四岳不敢施煩苛。

盡令區中擊壤塊燕及海外覃恩波秦霸周衰古官廢
下埋上塞王道頗共矜異俗同聲教不念齊民方薦瘥
傳稱魚鱉亦咸若苟能効此誠足多借如牛馬未蒙澤
豈在抱甕滋鼃鼃教化從來有源委必將泳海先泳河
非是倒置自中古驃兮驃兮誰爾訶

胡旋女

李傳云天寶中西國來獻

天寶欲末胡欲亂胡人獻女能胡旋旋得明王不覺迷
妖胡奄到長生殿胡旋之義世莫知胡旋之容我能傳

蓬斷霜根羊角疾竿戴朱盤火輪炫驪珠迸珥逐龍星

虹

降音

暈輕巾掣流電潛鯨暗喻笄

殘謝反

海波迴風亂舞

當空霰萬過其誰辨終始四座安能分背面才人觀者
相為言承奉君恩在圓變是非好惡隨君口南北東西
逐君盼柔軟依身看佩帶徘徊繞指同環釧佞臣聞此
心計迴惑亂君心君眼眩君言似曲屈如鈎君言好直
舒為箭巧隨清影觸處行妙學春鶯百般轉傾天側地
用君力抑塞周遮恐君見翠華南幸萬里橋玄宗始悟

坤維轉

緋書云僧一行嘗奏玄宗曰陛下行幸萬里聖祚無疆故天寶中歲幸洛陽冀充盈數及上幸

蜀至萬里橋乃嘆謂左右曰一行之奏其是乎寄言旋目與旋心有國有家當

共謹

蠻子朝

李傳云貞元末蜀川始通蠻酋

西南六詔有遺種僻在荒陬路尋壅部落交離君長賤
比諸夷狄為幽冗犬戎強盛頻侵削降有憤心戰無勇
夜防鈔盜保深山朝望烟塵上高冢鳥道繩橋來欵附
非因慕化因為悚清平官擊金喏嗟求天叩地持雙珙

益州大將韋令公頃實遭時定汧隴自居劇鎮無他績
幸得蠻來固恩寵為蠻開道引蠻朝接蠻送蠻常繼踵
天子臨軒四方賀朝廷無事惟端拱漏天走馬春雨寒
瀘水飛虵瘴烟重椎頭醜類除憂患瘡足役夫勞洶湧
匈奴互市歲不供雲蠻遁好轡常駛戎王養馬漸多年
南人耗頽西人恐

縛戎人

近制西邊每擒蕃囚例皆傳置南方不加勦戮故李君作歌以諷焉

邊頭大將差健卒入抄擒生快於鶻但逢頽面即捉來

半是蕃人半戎羯大將論功重多級捷書飛奏何超忽
聖朝不殺詩至仁遠送炎方示微罰萬里虛勞肉食費
連頭盡被羶裘喝華茵重席卧腥臊病犬愁鴉聲咽咽
中有一人能漢語自言家本長安窟小年隨父戍安西
河渭瓜沙眼看沒天寶未亂家數載狼星四角光蓬勃
中原禍作邊防危果有豺狼四來伐蕃馬臆成正翹健
蕃兵肉飽爭唐突煙塵亂起無亭燧主帥驚跳弃旄鉞
半夜城摧鶩雁鳴妻啼子叫曾不歇陰森神廟未敢依

脆薄河冰安可越荆棘深處共潛身前困蒺藜後跪
平明蕃騎四面走古墓深林盡株櫛少壯為俘頭被髡
老翁留居足多刖烏鳶滿野屍狼藉樓榭成灰墻突兀
暗水濺濺入舊池平沙漫漫鋪明月戎王遣將來安慰
口不敢言心咄咄供進腋腋音夜御叱般豈料穹廬揀肥
膾五六十年消息絕中間盟會又猖獗眼穿東日望堯
雲腸斷正朝梳漢髮延州鎮李如暹逢子將軍之子也
嘗沒西蕃及歸自云蕃法唯正歲
一日許唐人沒蕃者服衣冠如暹當此
日由是悲不自勝遂與蕃妻密定歸計
近來如此思漢

者半為老病半埋骨尚教孫子學鄉音猶話平時好城
闕老者儻盡少者壯生長蕃中似蕃悖不知祖父皆漢
民便恐為蕃心矻矻緣邊飽餒十萬衆何不齎驅一時
發年年但捉兩三人精衛銜蘆塞溟渤

陰山道

李傳云元和二年有詔
悉以金銀酬迴鶻馬價

年年買馬陰山道馬死陰山帛空耗元和天子念女工
內出金銀代酬犒臣有一言昧死進死生甘分答恩燾
費財為馬不獨生耗帛傷工有他盜臣聞平時七十萬

匹馬關中不省聞嘶譟四十八監選龍媒時貢天庭付
良造如今垆野十無一盡在飛龍相踐暴萬束芻艾供
旦暮千鍾菽粟長牽漕屯軍郡國百餘鎮縑緗歲奉春
冬勞稅戶逋逃例攤配官司折納仍貪冒批紋變緝力
倍費弃舊從新人所好越穀捺綾織一端十疋素縑功
未到豪家富貴踰常制令族親班無雅操從騎愛奴絲
布衫臂鷹小兒雲錦鞞羣臣利已要差僭天子深衷空
閱倬倬立花博鵷鳳行雨露恩波幾時報

有鳥

有鳥有鳥名老鴟鴞張貪狠老不衰似鷹指爪唯攫肉
戾天羽翮徒翰飛朝偷暮竊恣昏飽後顧前瞻高樹枝
珠丸彈射死不去意在護巢兼護兒

近情切裏原自老杜
脫胎第其筋力緩縱

有鳥有鳥毛似鶴行步雖遲性靈惡主人但見閒慢容
許占蓬萊最高閣弱羽長憂俊鶻拳疽腸暗著一作鵝
雛啄千年不死伴靈龜臯心鶴貌何人覺

有鳥有鳥名野鷄天姿耿介行步齊主人偏養憐整頓
玉粟充腸瑶樹栖霞塘潛狎不鳴雁津梁暗引無用鷓
秋鷹迸逐霜鶻遠鵬鳥護巢當畫啼主人頗問遣妖術
力盡計窮音響悽當時何不早量分莫遣輝光深照泥
有鳥有鳥名體烏貪癡突諄天下無田中攫肉吞不足
偏入諸巢探衆雛歸來仍占主人樹腹飽巢高聲響麤
山鷓野鵲閑受肉鳳皇不得聞罪辜秋鷹掣斷架上索
利爪一揮毛血落可憐鷓鵲慕腥膻猶向巢邊競紛泊

有鳥有鳥羣雀兒中庭啄粟籬上飛秋鷹欺小嫵不食
鳳皇容衆從爾隨大鵬忽起遮白日餘風簸蕩山岳移
翻翾百萬徒驚噪扶搖勢遠何由知古來妄說銜花報
縱解銜花何所為可惜官倉無限粟伯夷餓死黃口肥

五言律詩

憲宗章武孝皇帝挽歌詞

膳部員外時作

國付重離後身隨十聖仙北辰移帝座西日到虞泉方
大言虛設華胥事眇然觸鱗曾在宥偏哭墮髯前

初寒夜寄盧子蒙

子蒙近亦喪妻

月是陰秋鏡寒為寂寞資輕寒酒醒後斜月枕前時倚
壁思閒事回燈檢舊詩聞君亦同病終夜遠相悲

春病

病來閒卧久因見靜時心殘月曉窓迴落花幽院深望
山移坐榻行藥步墻陰車馬門前度遙聞哀苦吟

遣春

失却遊花伴因風浪引將柳堤遙認馬梅徑誤尋香晚

景行看謝春心漸欲狂
園林都不到何處枉風光

酒醒

飲醉日將盡醒時夜已闌
暗燈風焰曉春席水牕寒
未解縈身帶猶傾墜枕冠
呼兒問狼籍疑是夢中驩

夜飲

燈火隔簾明竹梢風雨聲
詩篇隨意贈杯酒越巡行
漫唱江朝曲閒徵藥草名
莫辭終夜飲朝起又營營

三四語
瓶獲

閒

青衫經夏點白髮望鄉稠雨冷新秋
簟星稀欲曙樓連
鴻盡南去雙鯉本東流北信無人寄
蟬聲滿樹頭

夜閒

感極都無夢魂銷轉易驚風簾半鈎
落秋月滿牀明
悵望臨堦坐沉吟遶樹行孤琴在幽
匣時迸斷絃聲

獨遊

遠地難逢侶閒人且獨行上山隨老
鶴接酒待殘鶯花

當西施面泉勝衛玠清鶴鳩滿春野無限好同聲

七言律詩

三遣悲懷

謝公最小偏憐女自嫁黔婁百事乖
顧我無衣搜蓋篋泥他沽酒拔金釵
野蔬克膳甘長藿落葉添薪仰古槐
今日俸錢過十萬與君營奠復營齋

昔日戲言身後意今朝昏到眼前來
衣裳已施行看盡針線猶存未忍開
尚想舊情憐婢僕也曾因夢送錢財

誠知此恨人人有，貧賤夫妻百事哀。

語到真時不嫌其瑣。○梁人作呢媒語多出於淫長慶作呢媒語多出於戀梁人病重

閒坐悲君亦自悲，百年都是幾多時。
鄧攸無子尋知命，潘岳悼亡猶費詞。
同穴窅冥何所望，他生緣會更難期。
唯將終夜長開眼，報答平生未展眉。

送友封

黔府寶翠
字友封

桃葉成陰鶯引雛，南風吹浪颭檣烏。
瘴雲拂地黃梅雨，明月滿帆青草湖。
迢遞旅魂歸去遠，顛狂酒興病來孤。

知君兄弟憐詩句遍為姑將惱大巫

早春尋李校書

欸欸春風淡淡雲柳枝低作翠櫳
袞梅含雞舌兼紅氣
江弄瓊花散綠紋帶霧山鶯啼尚小
穿沙蘆筍葉纔分
今朝何事偏相覓撩亂芳情最是君

鄂州寓館嚴澗宅

澗不在

鳳有高梧鶴有松偶來江外寄行蹤
花枝滿院空啼鳥
塵榻無人憶卧龍
心想夜閒唯足夢
眼看春盡不相逢

何時最是思君處，月入斜窓曉寺鍾。

留呈夢得子厚致用

題藍橋驛

泉溜才通疑夜磬，燒去聲烟餘暖有春泥。千層玉帳鋪松

蓋，五出銀區印虎蹄。暗落金烏山漸黑，深埋粉堠路渾
迷。心知魏闕無多地，十二瓊樓百里西。

過襄陽樓呈上府主嚴司空樓在江陵節度使
宅北隅

襄陽樓下樹陰成，荷葉如錢水面平。拂水柳花千萬點

隔林鶯舌兩三聲
有時水畔看雲立
每日樓前信馬行
早晚暫教王粲上
庾公應待月分明

五六手便○結
二語不整頓

八月六日與僧如展前松滋主簿韋戴同遊碧澗寺賦得扉字韻寺臨蜀江內有碧澗穿注兩廊又有龍女洞能興雲雨詩中噴字以平聲韻

空澗長江礙鐵圍
高低雲樹倚巖扉
穿廊玉澗噴紅旭

踴塔金輪拆翠微
草引風輕馴虎睡
洞驅雲入毒龍歸
他生莫忘靈山別
滿壁人名後會稀

贈幕中諸公

謝傳知憐景氣新
許尋高寺望江春
龍文遠水吞平岸
羊角輕風旋細塵
山茗粉含鷹背嫩
海榴紅綻錦窠勻
歸來笑問諸從事
占得閒行有幾人

五言排律

哭女樊四十韻

逝者何由見中人未達情馬無生角望猿有斷腸鳴去
伴投遐徼來隨夢險程四年巴養育萬里碇回縈病是
他鄉染魂應遠處驚山魑邪亂逼沙虱毒潛嬰母約看
寧辨余慵療不精欲尋方次第俄值疾充盈燈火徒相
守香花抵浪擎蓮初開月梵薜已落朝榮魄散魂將盡
形金玉尚瑩空垂兩行血深送一枝瓊祕祝休巫覡安
眠放使令舊衣和篋施殘藥滿甌傾乳媪閒於社醫僧
媿似醒憫渠身覺賸訝佛力難爭騎竹癡猶子牽車小

外甥等閒迷過影遙戲誤啼聲沈紙傷餘畫扶牀念試
行獨留呵面鏡誰弄倚牆箏憶昨工言語憐初妙長成
捺風妬鸚舌凌露觸蘭英翠鳳輿真女紅渠捧化生祇

憂嫌五濁終恐向三清宿惡諸暈味懸知衆物名

生而不食

暈血虎豹狨猴等皮毛盡惡斥之巴南所無之物及北而默識其名者數輩

環從枯樹得經

認寶函盛愠怒偏憎數分張雅愛平最憐貧粟妹頻救
嬾書兄為占嬌饒分良多眷戀誠別常回面泣歸定出

門迎解恠還家晚長將遠信呈說人偷罪過要我抱縱

橫騰踏遊江舫攀緣看樂棚和蠻歌字拗

乙教反

學妓舞

腰輕迢遰離荒服持攜到近京未容誘伎倆唯恨枉聰
明往緒心千結新絲鬢百莖暗窓風報曉秋幌雨聞更
敗槿蕭疎館衰楊破壞城此中臨老淚仍自哭孩嬰

語近但
而情痛

病減逢春期白二十二辛大不至十韻

病與窮陰退春從血氣生寒膚漸舒展陽脉乍虛盈就
日臨堦坐扶牀履地行問人知面瘦祝烏願身輕風暖

牽詩興時新變賣聲饒看藥忌閒悶點書名舊雪依
深竹微和動早萌推遷悲往事踈數辯交情琴待稽中
散杯思阮步兵世間除却病何者不營營

拈出真趣非
為客語故佳

代曲江老人百韻

何事花前泣曾逢舊日春先皇初在鎬賤子正游秦撥
亂干戈後經文禮樂辰徽章懸象魏貌虎畫麒麟光武
休言戰唐堯念睦姻琳琅銷柱礎葛藟茂河漚尚齒悖

耆艾搜材拔積薪裴王持藻鏡姚宋幹陶鈞內史稱張
敞蒼生借寇恂名卿唯講德命士恥憂貧杞梓無遭用
芻蕘不忘詢懸金杖逸驥鼓瑟薦嘉賓羽翼皆隨鳳瑜
璉肯稱珉班行容濟濟文質道彬彬百度依皇極千門
闕紫宸理刑非苟簡稽古蹈因循書謬偏求伏詩亡遠
聽申繼黜三彪賈羣擢八龍荀海外恩方洽淹中教不
泯儒林一同異冠屨盡清淳天淨三光麗時和四序均
卑官休力役賤職少艱辛蠻貊同車軌鄉原盡里仁帝

途高蕩蕩風俗厚諄諄秋日耕耘足豐年雨露頻戍烟
生不見村豎老猶純耒耜勤千畝牲牢奉六禋南郊禮
天地東野闢原昉校獵求初吉先農卜上寅萬方來合
雜五色瑞輪囷池籩呈朱鴈壇場得白鱗耐金光照耀
奠璧綵璘玢掉蕩雲門發踰躑鷺羽振集靈撞玉磬和
鼓奏金罍建簾崇牙盛銜鐘獸目嗔總干形屹岿憂啟
背嶸岫文物千官會夷音九部陳魚龍華外戲歌舞洛
中嬪佳節修醮禮非時宴侍臣梨園明月夜花萼豔陽

晨李杜詩篇敵蘇張筆力勻樂章輕鮑照碑板笑顏竣
秦嶽陪封禪汾陰頌鬼神星移逐西顧風暖助東巡浴
德留湯谷菟畎過渭濱沸天雷殷殷匝地轂轉轉沃土
心逾熾豪家禮漸湮老農羞荷鍤貪賈學垂紳曲藝爭
工巧彫機變組紉青鳧連不解紅粟朽相因山澤長孳
貨稊航競獻珍翠毛開越雋龍眼啟甌閩玉饌新然蠟
椒房燭用銀銅山供橫賜金玉貯宜頌班女恩移趙思
王賦感甄輝光隨顧步生死屬搖脣世族功勳久王姬

寵愛親街衛連甲第冠蓋擁朱輪大道垂珠箔當爐踏
錦茵軒車隘南陌鐘磬滿西鄰出入張公子嬌奢石季
倫鷄場潛介羽馬埒竝揚塵韜袖誇狐腋弓弦尚鹿臄
紫條牽白犬錦韉覆花駟箭倒南山虎鷹擒東郭魏翻
身迎過雁坐射取迴鷄竟蓄朱公產爭藏邴氏緡橋桃
矜馬騫倚頓數金銀疏闕冬中韭羹憐遠處尊萬錢纔
下筍五醑未稱醇曲水流觴日倡優醉度旬探丸依郭
解投轄伴陳遵共謂長安秦那知遠構屯奸心興桀黠

凶醜比頑鷲斗柄侵妖彗天泉化逆鱗貸恩嘆乃祖連
禍及吾民豨豸當前路鯨鯢得要津王師方業業暴卒
已瞽瞍雜虜同謀夏宗周斲去幽陵園深暮景霜露下
秋旻鳳闕悲巢鵬鷗行亂野麇華林荒茂草寒竹碎貞
筠村落空垣壞城隍舊井堙破船沉古渡戰鬼聚陰燐
振臂誰相應攢眉獨不伸毀容懷赤紱混跡戴黃巾木
梗隨波蕩桃源數隱淪弟兄書信斷鷗鷺往來馴忽遇
山光澈遥瞻海氣真祕圖推廢主後聖合經綸野杏渾

休植幽蘭不復紉，但驚心憤憤誰戀。
水粼粼盡室離深，洞輕橈盪小輪。
殷勤題白石，悵望出青蘋。夢寐平生，
經過處所，新阮郎迷里巷。遼鶴記城闈。
虛過休明代，旋為朽病身。勞生常矻矻，
語舊苦諄諄。晚歲多衰柳，先秋媿大椿。
眼前年少客，無復昔時人。

如此長韻
整稱即佳

五言絕句

合衣寢

良夕背燈坐方成合衣寢酒醉夜未闌幾回顛倒枕

行宮

寥落古行宮宮花寂寞紅白頭宮女在閒坐說玄宗

七言絕句

微之絕句多出深衷沉痛

哀城驛二首

容州詩句在哀城幾度經過眼暫明今日重看滿衫淚
可憐名字已前生

憶昔萬株梨映竹
遇逢黃令醉殘春
梨枯竹盡黃令死
今日再來衰病身

苦語

六年春遣懷

傷禽我是籠中鶴
沉劍君為泉下龍
重纒猶存孤枕在
春衫無復舊裁縫

婢僕曬君餘服用
嬌癡稚女遶牀行
玉梳鈿朶香膠解
盡日風吹毒瑁箏

末語哀
而麗

夢成之

燭暗船風獨夢驚
夢君頻問向南行
覺來不語到明坐
一夜洞庭湖水聲

哭小女降真

雨點輕漚風復驚
偶來何事去何情
浮生未到無生地
暫到人間又一生

一語
痛絕

哭子十首

維鵜受刺因吾過得馬生災念爾寃獨在中庭倚閒樹
亂蟬嘶噪欲黃昏

纔能辨別東西位未解分明管帶身自食自眠猶未得
九重泉路託何人

爾母溺情連夜哭我身因事有時悲鐘聲欲絕東方動
便是尋常上學時

蓮花上品生真界兜率天中離世途彼此業緣多障礙

不知還得見兒無

節量梨栗愁生疾教示詩書望早成鞭扑校多憐校少
又緣遺恨哭三聲

深恨

深嗟爾更無兄弟自嘆予應絕子孫寂寞講堂基址在
何人車馬入高門

往年鬢已同潘岳垂老年教作鄧攸煩惱數中除一事
自茲無復子孫憂

絕痛

長年苦境知何限
豈得因兒獨喪明
消遣又來緣爾母
夜深和淚有經聲

烏生八子今無七
猿叫三聲月正孤
寂寞空堂天欲曙
拂簾雙鷺引新雛

景逼
情生

頻頻子落長江水
夜夜巢邊舊處棲
若是愁腸終不斷
一年添得一聲啼

數首顛倒思量
轉沉痛殆難為讀

晚春

晝靜簷疎鶯語頻
雙雙鬪雀動堦塵
柴扉日暮隨風掩
落盡閒花不見人

先醉

今日樽前敗飲名
三杯未盡不能傾
怪來花下長先醉
半是春風蕩酒情

宿醉

風引春心不自由等閒衝席飲多籌朝來始向花前覺
度却醒時一夜愁

任醉

本怕酒醒渾不飲因君相勸覺情來殷勤滿酌從聽醉
乍可欲醒還一杯

靖安窮居

喧靜不由居遠近大都車馬就權門野人住處無名利
草滿空階樹滿園

題李十一修行里居壁

雲闕朝迴塵騎合
杏花春盡曲江閒
憐君雖在城中住
不隔人家便是山

贈李十二牡丹花片因以餞行

鶯澁餘聲絮墮風
牡丹花盡葉成叢
可憐顏色經年別
收取朱欄一片紅

嘉陵驛二首

篇末
有懷

嘉陵驛上空林客
一夜嘉陵江水聲
仍對塢南滿山樹

野花撩亂月朧明

墻外花枝壓短墻
月明還照半張牀
無人會得此時意
一夜獨眠西畔廊

嘉陵江

千里嘉陵江水聲
何年重遠此江行
只應添得清宵夢
時見滿江流月明

望喜驛

滿眼文書堆案邊
眼昏偷得暫時眠
子規驚覺燈又滅

一道月光橫枕前

封書

鶴臺南望白雲闕
城市猶存暫一還
書出步虛三百韻

藥珠文字在人間

聞樂天授江州司馬

殘燈無焰影幢幢
此夕聞君謫九江
垂死病中仍悵望
暗風吹雨入寒窻

憑李忠州寄書樂天

自此至春詞
並通州詩

萬里寄書將上峽却憑冰峽寄江州傷心最是江頭月
莫把書將上庾樓

與李十一夜飲

寒夜燈前賴酒壺與君相對興猶孤忠州刺史應閒卧
江水猿聲聽得無

和樂天題王家亭子

風吹筍籜飄紅砌雨打桐花蓋綠莎都大資人無暇日
泛池全少買池多

酬樂天頻夢徵之

山水萬重書斷絕
念君憐我夢相聞
我今因病魂顛倒
唯夢閒人不夢君

轉傷

春詞

山翠湖光似欲流
蜂聲鳥思却堪愁
西施顏色今何在
但看春風百草頭

瘴塞

瘴塞巴山哭鳥悲紅妝少婦歛啼眉殷勤奉藥來相勸
云是前年欲病時

別毅郎

愛惜爾爺唯有我我今顛顛望何人傷心自比籠中鶴
翦盡翅翎愁到身

痛語

西歸

五年江上損容顏今日春風到武關兩紙京書臨水讀

小桃花樹滿商山

得復言
樂天書

聽妻彈別鶴操

別鶴聲聲怨夜弦聞君此奏欲潸然商瞿五十知無子

便付琴書與仲宣

重贈

樂人高玲瓏能
歌予數十詩

休遣玲瓏唱我詩我詩多是別君詞明朝又向江頭別
月落潮平是去時

唐詩鏡卷四十六